

大方廣佛華嚴經卷第七十六

臣六

唐于闐國三藏沙門實叉難陀譯

入法界品第三十九之十七

爾時善財童子一心欲詣摩耶夫人所即時獲得觀佛境界智作如是念是善知識遠離世間住無所住超過六處離一切著知無礙道具淨法身以如幻業而現化身以如幻智而觀世間以如幻願而持佛身隨意生身無生滅身無來去身非虛實身不變壞身無起盡身所有諸相皆一相身離二邊身無依處

身無窮盡身離諸分別如影現身知如夢身了如像身如淨日身普於十方而化現身住於三世無變異身非身心身猶如虛空所行無礙超諸世眼唯是普賢淨目所見如是之人我今云何而得親近承事供養與其同住觀其狀貌聽其音聲思其語言受其教誨作是念已有主城神名曰寶眼眷屬圍繞於虛空中而現其身種種妙物以爲嚴飾手持無量衆色寶華以散善財作如是言善男子應守護心城謂不貪一切生死境界應莊嚴心

城謂專意趣求如來十力應淨治心城謂畢  
究斷除慳嫉諂誑應清涼心城謂息惟一切  
諸法實性應增長心城謂成辦一切助道之  
法應嚴飾心城謂造立諸禪解脫宮殿應照  
耀心城謂普入一切諸佛道場聽受般若波  
羅密法應增益心城謂普攝一切佛方便道  
應堅固心城謂恒勤修習普賢行願應防護  
心城謂常專禦扞惡友魔軍應廓徹心城謂  
開引一切佛智光明應善補心城謂聽受一  
切佛所說法應扶助心城謂深信一切佛功

德海應廣大心城謂大慈普及一切世間應  
善覆心城謂集衆善法以覆其上應寬廣心  
城謂大悲哀愍一切衆生應開心城門謂悉  
捨所有隨應給施應密護心城謂防諸惡欲  
不令得入應嚴肅心城謂逐諸惡法不令其  
臣六住應決定心城謂集一切智助道之法恒無  
退轉應安立心城謂正念三世一切如來所  
有境界應瑩徹心城謂明達一切佛正法輪  
修多羅中所有法門種種緣起應部分心城  
謂普曉示一切衆生皆令得見薩婆若道應

住持心城謂發一切三世如來諸大願海應富貴心城謂集一切周徧法界大福德聚應令心城明了謂普知衆生根欲等法應令心城自在謂普攝一切十方法界應令心城清淨謂正念一切諸佛如來應知心城自性謂知一切法皆無有性應知心城如幻謂以一切智了諸法性佛子菩薩摩訶薩若能如是淨修心城則能積集一切善法何以故蠲除一切諸障難故所謂見佛障聞法障供養如來障攝諸衆生障淨佛國土障善男子菩薩

座訶薩以離如是諸障難故若發希求善知識心不用功力則便得見乃至究竟必當成佛爾時有身衆神名蓮華法德及妙華光明無量諸神前後圍繞從道場出住虛空中於善財前以妙音聲<sub>臣六</sub>種稱歎摩耶夫人從其耳瑞放無量色相光明網普照無邊諸佛世界令善財見十方國土一切諸佛其光明網右繞世間經一匝已然後還來入善財頂乃至徧入身諸毛孔善財即得淨光明眼永離一切愚癡闇故得離翳眼能了一切衆生性

故得離垢眼能觀一切法性門故得淨慧眼能觀一切佛國性故得毗盧遮那眼見佛法身故得普光明眼見佛平等不思議身故得無礙光明眼觀察一切刹海成壞故得普照眼見十方佛起大方便轉正法輪故得普境界眼見無量佛以自在力調伏衆生故得普見眼覩一切刹諸佛出興故時有守護菩薩法堂羅刹鬼王名曰善眼與其眷屬萬羅刹俱於虛空中以衆妙華散善財上作如是言善男子菩薩成就十法則得親近諸善知識何

等爲十所謂其心清淨離諸諂誦誰大悲平等普攝衆生知諸衆生無有真實趣一切智心不退轉以信解力普入一切諸佛道場得淨慧眼了諸法性大慈平等普覆衆生以智光明廓諸妄境以甘露雨滌生死熱以廣大眼徹鑒諸法心常隨順諸善知識是爲十復次佛子菩薩成就十種三昧門則常現見諸善知識何等爲十所謂法空清淨輪三昧觀察十方海三昧於一切境界不捨離不缺減三昧普見一切佛出興三昧集一切功德藏三

昧心恒不捨善知識三昧常見一切善知識生諸佛功德三昧常不離一切善知識三昧常供養一切善知識三昧常於一切善知識所無過失三昧佛子菩薩成就此十三昧門常得親近諸善知識又得善知識轉一切佛法輪三昧得此三昧已悉知諸佛體性平等處處值遇諸善知識說是語時善財童子仰視空中而答之言善哉善哉汝爲哀愍攝受我故方便教我見善知識願爲我說云何往詣善知識所於何方處城邑聚落求善知識

臣六

四

羅刹答言善男子汝應普禮十方求善知識正念思惟一切境界求善知識勇猛自在徧遊十方求善知識觀身觀心如夢如影求善知識爾時善財受行其教即時覩見大寶蓮華從地涌出金剛爲莖妙寶爲藏摩尼爲葉光明齊三以爲其臺衆寶色香以爲其鬚無數寶網彌覆其上於其臺上有一樓觀名普納十方法界藏奇妙嚴飾金剛爲地千柱行列一切皆以摩尼寶成間浮檀金以爲其壁眾寶纓珞四面垂下階陛欄楯周市莊嚴其

樓觀中有如意寶蓮華之座種種衆寶以爲嚴飾妙寶欄楯寶衣間列寶帳寶網以覆其上衆寶繪幡周帯垂下微風徐動光流響發寶華幢中雨衆妙華寶鈴鐸中出美音聲寶戶牖間垂諸瓔珞摩尼身中流出香水寶象

五

臣六

口中出蓮華網寶師子口吐妙香雲梵形寶輪出隨樂音金剛寶鈴出諸菩薩大願之音寶月幢中出佛化形淨藏寶王現三世佛受生次第日藏摩尼放大光明徧照十方一切佛刹摩尼寶王放一切佛圓滿光明毗盧遮

那摩尼寶王興供養雲供養一切諸佛如來如意珠王念念示現普賢神變充滿法界須彌寶王出天宮殿天諸采文種種妙音歌讚如來不可思議微妙功德爾時善財見如是座復有無量衆座圍繞摩耶夫人在彼座上於一切衆生前現淨色身所謂超三界色身已出一切諸有趣故隨心樂色身於一切世間無所著故普周徧色身等於一切衆生數故無等比色身今一切衆生滅倒見故無量種色身隨衆生心種種現故無邊相色身普

現種種諸形相故普對現色身以大自在而示現故化一切色身隨其所應而現前故恒示現色身盡衆生界而無盡故無去色身於一切趣無所滅故無來色身於諸世間無所出故不生色身無生起故不滅色身離語言故非實色身得如實故非虛色身隨世現故無動色身生滅永離故不壞色身法性不壞故無相色身言語道斷故一相色身無相爲相故如像色身隨心應現故如幻色身幻智所生故如餞色身但想所持故如影色身隨

願現生故如夢色身隨心而現故法界色身性淨如空故大悲色身常護衆生故無礙色身念念周徧法界故無邊色身普淨一切衆生故無量色身超出一切語言故無住色身願度一切世間故無處色身恒化衆生不斷故無生色身幻願所成故無勝色身超諸世間故如實色身定心所現故不生色身隨衆生業而出現故如意珠色身普滿一切衆生願故無分別色身但隨衆生分別起故離分別色身一切衆生不能知故無盡色身盡諸

衆生生死際故清淨色身同於如來無分別  
故如是身者非色所有色相如影像故非受  
世間苦受究竟滅故非想但隨衆生想所現  
故非行依如幻業而成就故離識菩薩願智  
空無性故一切衆生語言斷故已得成就寂  
滅身故爾時善財童子又見摩耶夫人隨諸  
衆生心之所樂現超過一切世間色身所謂  
天王天女身或現超過龍女身乃至超過四大  
女身現如是等無量色身饒益衆生集一切

智助道之法行於平等檀波羅蜜大悲普覆  
一切世間出生如來無量功德修習增長一  
切智心觀察思惟諸法實性獲深忍海具衆  
定門住於平等三昧境界得如來定圓滿光  
明消竭衆生煩惱巨海心常正定未嘗動亂  
臣六世佛出興次第見佛三昧常現在前了達如  
來出現於世無量無數諸清淨道行於諸佛  
虛空境界普攝衆生各隨其心教化成就入

佛無量清淨法身成就大願淨諸佛刹究竟  
調伏一切衆生心恒徧入諸佛境界出生菩薩自在神力已得法身清淨無染而恒示現無量色身摧一切魔力成大善根力出生正法力具足諸佛力得諸菩薩自在之力速疾增長一切智力得佛智光普照一切悉知無量衆生心海根性欲解種種差別其身普徧十方刹海悉知諸刹成壞之相以廣大眼見十方海以周徧智知三世海身普承事一切佛海心恒納受一切法海修習一切如來功德

德出生一切菩薩智慧常樂觀察一切菩薩從初發心乃至成就所行之道常勤守護一切衆生常樂稱揚諸佛功德願為一切菩薩之母爾時善財童子見摩耶夫人現如是等閻浮提微塵數諸方便門既見是已如摩耶夫人所現身數善財亦現作爾許身於一切處摩耶之前恭敬禮拜即時證得無量無數諸三昧門分別觀察修行證入從三昧起右繞摩耶并其眷屬合掌而立白言大聖文殊師利菩薩教我發阿耨多羅三藐三菩提心

求善知識親近供養我於一善知識所皆  
往承事無空過者漸來至此願爲我說菩薩  
云何學菩薩行而得成就答言佛子我已成  
就菩薩大願智幻解脫門是故常爲諸菩薩  
臣六母佛子如我於此間浮提中迦毗羅城淨飯  
王家右脇而生悉達太子現不思議自在神  
變如是乃至盡此世界海所有一切迦盧遮  
那如來皆入我身示現誕生自在神變又善  
男子我於淨飯王宮菩薩將欲下生之時見  
菩薩身一一毛孔咸放光明名一切如來受

生功德輪一一毛孔皆現不可說不可說佛  
刹微塵數菩薩受生莊嚴彼光明皆悉普  
照一切世界照世界已來入我頂乃至一切  
諸毛孔中又彼光中普現一切菩薩名號受  
生神變宮殿眷屬五欲自娛又見出家往詣  
道場成等正覺坐師子座菩薩圍繞諸王供  
養爲諸大眾轉正法輪又見如來往昔修行  
菩薩道時於諸佛所恭敬供養發菩提心淨  
佛國土念念示現無量化身充徧十方一切  
世界乃至最後入般涅槃如是等事靡不皆

見文善男子微妙光明入我身時我身形量雖不踰本然其實已超諸世間所以者何我身爾時量同虛空悉能容受十方菩薩受生莊嚴諸宮殿故爾時菩薩從兜率天將降神時有十佛刹微塵數諸菩薩皆與菩薩同願同行同善根同莊嚴同解脫同智慧諸地諸力法身色身乃至普賢神通行願悉皆同等如是菩薩前後圍繞又有八萬諸龍王等一切世主乘其宮殿俱來供養菩薩爾時以神通力與諸菩薩普現一切兜率天宮一一宮

中悉現十方一切世界間浮提內受生影像方便教化無量衆生令諸菩薩離諸懈怠無所執著又以神力放大光明普照世間破諸黑闇滅諸苦惱令諸衆生皆識宿世所有業行永出惡道又為救護一切衆生普現其前作諸神變現如是等諸奇特事與眷屬俱來入我身彼諸菩薩於我腹中遊行自在或以三千大千世界而為一步或以不可說不可說佛刹微塵數世界而為一步又念念中十方不可說不可說一切並界諸如來所菩薩

衆會及四天王天三十三天乃至色界諸梵天王欲見菩薩處胎神變恭敬供養聽受正法皆入我身雖我腹中悉能容受如是衆會而身不廣大亦不迫窄其諸菩薩各見自處衆會道場清淨嚴飾善男子如此四天下陶浮提中菩薩受生我爲其母三千大千世界百億四天下間浮提中悉亦如是然我此身本來無二非一處住非多處住何以故以修菩薩大願智幻莊嚴解脫門善男子如今世尊我爲其母往昔所有無量諸佛悉亦如

是而爲其母善男子我昔曾作蓮華池神時有菩薩於蓮華藏忽然化生我即捧持瞻侍養育一切世間皆共號我爲菩薩母又我昔爲菩提場神時有菩薩於我懷中忽然化生世亦號我爲菩薩母善男子有無量最後身五十二菩薩於此世界種種方便示現受生我皆爲母善男子如此世界賢劫之中過去世時拘留孫佛拘那含牟尼佛迦葉佛及今世尊釋迦牟尼佛現受生時我爲其母未來世中彌勒菩薩從兜率天將降神時放大光明普照

法界示現一切諸菩薩衆受生神變乃於人間生大族家調伏衆生我於彼時亦為其母如是次第有師子佛法幢佛善眼佛淨華佛華德佛提舍佛弗沙佛善意佛金剛佛離垢佛月光佛持炬佛名稱佛金剛智佛清淨義佛紺身佛到彼岸佛寶燄山佛持明佛蓮華德佛名稱佛無量功德佛最勝燈佛莊嚴身佛善威儀佛慈德佛無住佛大威光佛無邊音佛勝寃敵佛離疑惑佛清淨佛大光佛淨心佛雲德佛莊嚴頂髻佛樹王佛寶瑞佛海

慧佛妙寶佛華冠佛滿願佛大自在佛妙德王佛最尊勝佛栴檀雲佛紺眼佛勝慧佛觀察慧佛熾盛王佛堅固慧佛自在名佛師子王佛自在佛最勝頂佛金剛智山佛妙德藏佛寶網嚴身佛善慧佛自在天佛大天王佛無依德佛善施佛燄慧佛水天佛得上味佛出生無上功德佛仙人侍衛佛隨世語言佛功德自在幢佛光幢佛觀身佛妙身佛耆僕佛金剛寶嚴佛喜眼佛離欲佛高大身佛財天佛無上天佛順寂滅佛智覺佛滅貪佛大

燄王佛寂諸有佛毗舍佢天佛金剛山佛智  
燄德佛安隱佛師子出現佛圓滿清淨佛清  
淨賢佛第一義佛百光明佛最增上佛深自  
在佛大地王佛莊嚴王佛解脫佛妙音佛殊  
勝佛自在佛無上醫王佛功德月佛無礙光  
佛功德聚佛月現佛日天佛出諸有佛勇猛  
名稱佛光明門佛娑羅王佛最勝佛藥王佛  
寶勝佛金剛慧佛無能勝佛無能映蔽佛衆  
會王佛大名稱佛敏持佛無量光佛大願光  
佛法自在不虛佛不退地佛淨天佛善天佛

堅固苦行佛一切善友佛解脫音佛遊戲王  
佛滅邪曲佛瞻葡萄淨光佛具衆德佛最勝月  
佛執明炬佛殊妙身佛不可說佛最清淨佛  
友安衆生佛無量光佛無畏音佛水天德佛  
不動慧光佛華勝佛月燄佛不退慧佛離愛  
佛無著慧佛集功德蘊佛滅惡趣佛普散華  
佛師子吼佛第一義佛無礙見佛破他軍佛  
不著相佛離分別海佛端嚴海佛須彌山佛  
無著智佛無邊座佛清淨住佛隨師行佛最  
上施佛常月佛饒益王佛不動聚佛普攝受

佛饒益慧佛持壽佛無滅佛具足名稱佛大  
威力佛種種色相佛無相慧佛不動天佛妙  
德難思佛滿月佛解脫月佛無上王佛希有  
身佛梵供養佛不瞬佛順先古佛最上業佛  
順法智佛無勝天佛不可思議功德光佛隨法  
行佛無量賢佛普隨順自在佛最尊天佛如  
是乃至樓至如來在賢劫中於此三千大千  
世界當成佛者悉為其母如於此三千大千  
世界如是於此世界海十方無量諸世界一  
切劫中諸有修行普賢行願為化一切諸衆

五二  
十三

生者我自見身悉為其母爾時善財童子白  
摩耶夫人言大聖得此解脫經今幾時答言  
善男子乃往古世過不可思議非最後身菩  
薩神通道眼所知劫數爾時有劫名淨光世  
界名須彌德雖有諸山五趣雜居然其國土  
衆寶所成清淨莊嚴無諸穢惡有千億四天  
下有一四天下名師子幢於中有八十億王  
城有一王城名自在幢有轉輪王名大威德  
彼王城北有一道場名滿月光明其道場神  
名曰慈德時有菩薩名難垢幢坐於道場將

成正覺有一惡魔名金色光明其眷屬無量衆俱至菩薩所彼大感德轉輪聖王已得菩薩神通自在化作兵衆其數傍多圍繞道場諸魔惶怖悉自奔散故彼菩薩得成阿耨多羅三藐三菩提時道場神見是事已歡喜無量便於彼王而生子想頂禮佛足作是願言臣六此轉輪王在在生處乃至成佛願我常得與其為母作是願已於此道場復曾供養十那由他佛善男子於汝意云何彼道場神豈異人乎我身是也轉輪王者今世尊毗盧遮那

是我從於彼發願已來此佛世尊於十方刹一切諸趣處處受生種諸善根修菩薩行教化成就一切衆生乃至示現住最後身念念普於一切世界示現菩薩受生神變常為我子我常為母善男子過去現在十方世界無量諸佛將成佛時皆於齋中放大光明來照我身及我所住宮殿屋宅彼景後生我悉為母善男子我唯知此菩薩大願智幻解脫門如諸菩薩摩訶薩具大悲藏教化衆生常無厭足以自在力一一毛孔示現無量諸佛神

變我今云何能知能說彼功德行善男子於此世界三十三天有王名正念其王有女名天主光汝詣彼問菩薩云何學菩薩行修菩薩道時善財童子敬受其教頭面作禮繞無數市戀慕瞻仰却行而退遂往天宮見彼天女禮足圍繞合掌前住白言聖者我已先發阿耨多羅三藐三菩提心而未知菩薩云何誨願為我說天女答言善男子我得菩薩解脫名無礙念清淨莊嚴善男子我於此解脫

力憶念過去有最勝劫名青蓮華我於彼劫中供養恒河沙數諸佛如來彼諸如來從初出家我皆瞻奉護供養造僧伽藍營辦什物又彼諸佛從為菩薩住母胎時誕生之時行七步時大師子吼時住童子位在宮中時向菩提樹成正覺時轉正法輪現佛神變教化調伏衆生之時如是一切諸所作事從初發心乃至法盡我皆明憶無有遺餘常現在前念持不忘又憶過去劫名善地我於彼供養十恒河沙數諸佛如來又過去劫名為妙

德我於彼供養一恒世界微塵數諸佛如來  
又劫名無所得我於彼供養八十四億百千  
那由他諸佛如來又劫名善光我於彼供養  
闍浮提微塵數諸佛如來又劫名無量光我  
於彼供養二十恒河沙數諸佛如來又劫名  
最勝德我於彼供養一恒河沙數諸佛如來  
又劫名善悲我於彼供養八十恒河沙數諸  
佛如來又劫名勝遊我於彼供養六十恒河  
沙數諸佛如來又劫名妙月我於彼供養七  
十恒河沙數諸佛如來善男子如是憶念恒

河沙劫我常不捨諸佛如來應正等覺從彼  
一切諸如來所聞此無礙念清淨莊嚴菩薩  
解脫受持修行恒不忘失如是先劫所有如  
來從初菩薩乃至法盡一切所作我以淨嚴  
解脫之力皆隨憶念明了現前持而順行會  
無懈廢善男子我唯知此無礙念清淨解脫  
如諸菩薩摩訶薩出生死夜朗然明徹永離  
癡冥未嘗惛寐心無諸蓋身行輕安於諸法  
性清淨覺了成就十力開悟羣生而我云何  
能知能說彼功德行善男子迦毗羅城有童

子師名曰偏友汝詣彼問菩薩云何學菩薩行修菩薩道時善財童子以聞法故歡喜踊躍不思議善根自然增廣頂禮其足繞無數匝辭退而去從天宮下漸向彼城至偏友所禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何學菩薩道我聞聖者善能誘誨願為我說時復童子告善財言善男子我得菩薩解脫名善知罪藝我恒唱持此之字母唱阿字時入般若波羅蜜門名以菩薩威力入無差別境界薩云何學菩薩行云何修菩薩道我聞聖者善能誘誨願為我說偏友答言善男子此有童子名善知衆藝學菩薩字智汝可問之當為汝說爾時善財即至其所頭頂禮敬於一

面立白言聖者我已先發阿耨多羅三藐三菩提心而未知菩薩云何學菩薩行云何學菩薩道我聞聖者善能誘誨願為我說時復童子告善財言善男子我得菩薩解脫名善知罪藝我恒唱持此之字母唱阿字時入般若波羅蜜門名以菩薩威力入無差別境界唱多字時入般若波羅蜜門名無邊差別門唱波字時入般若波羅蜜門名普照法界唱者字時入般若波羅蜜門名普輪斷差別唱那字時入般若波羅蜜門名得無依無上唱

邏字時入般若波羅密門名離依止無垢唱  
施嚩字時入般若波羅密門名不退轉方便  
唱婆<sub>切</sub><sub>補</sub>我字時入般若波羅密門名金剛場  
唱茶<sub>切</sub><sub>徒解</sub>字時入般若波羅密門名曰普輪  
唱沙<sub>切</sub><sub>史我</sub>字時入般若波羅密門名為海藏  
唱縛<sub>房可</sub>字時入般若波羅密門名普生安  
住唱哆<sub>切</sub><sub>都</sub>我字時入般若波羅密門名圓滿  
光唱也<sub>切</sub><sub>以可</sub>字時入般若波羅密門名差別  
積聚唱瑟吒字時入般若波羅密門名普光  
明息煩惱唱迦字時入般若波羅密門名無

差別雲唱娑<sub>切</sub><sub>補</sub>我字時入般若波羅密門名  
降靈大雨唱麼字時入般若波羅密門名大  
流湍激衆峯齊峙唱伽<sub>切</sub><sub>上聲</sub>字時入般若波  
羅密門名普安立唱他<sub>切</sub><sub>他可</sub>字時入般若波  
羅密門名真如平等滅唱社字時入般若波  
羅密門名入世間海清淨唱鎖字時入般若  
波羅密門名念一切佛莊嚴唱施字時入般  
若波羅密門名觀察簡擇一切法聚唱奢<sub>切</sub><sub>可</sub>字時入般若波羅密門名隨順一切佛教  
輪光明唱法字時入般若波羅密門名修因

地智慧藏唱叉<sub>迦</sub><sub>我</sub>字時入般若波羅蜜門  
名息諸業海藏唱娑<sub>麻</sub><sub>訖</sub><sub>多</sub><sub>呼</sub><sub>上聲</sub>字時入般  
若波羅蜜門名嚮諸惑障開淨光明唱壞字  
時入般若波羅蜜門名作世間智慧門唱曷  
擇多<sub>上聲</sub>字時入般若波羅蜜門名生死境  
界智慧輪唱婆<sub>切</sub><sub>蒲</sub><sub>訖</sub><sub>臣</sub><sub>六</sub>字時入般若波羅蜜門  
名一切智宮殿圓滿莊嚴唱車<sub>上聲</sub>字時入  
般若波羅蜜門名修行方便藏各別圓滿唱  
娑<sub>蘇</sub><sub>紀</sub>麼字時入般若波羅蜜門名隨十方  
現見諸佛<sub>皆</sub><sub>上二聲</sub>唱訶<sub>呼</sub>字時入般若波

羅蜜門名觀察一切無緣衆生方便攝受令  
出生無礙力唱經<sub>七</sub><sub>可</sub><sub>一</sub><sub>子</sub>時入般若波羅蜜  
門名修行趣入一切功德海唱伽<sub>呼</sub><sub>奉</sub>字時  
入般若波羅蜜門名持一切法雲堅固海藏  
唱吒字時入般若波羅蜜門名隨願普見十  
方諸佛唱拏<sub>乃</sub><sub>可</sub>字時入般若波羅蜜門名  
觀察字輪有無盡諸億字唱娑<sub>麻</sub><sub>訖</sub><sub>頗</sub>字時  
入般若波羅蜜門名化<sub>一</sub><sub>眾</sub>生究竟處唱娑<sub>訖</sub><sub>音</sub>  
迎字時入般若波羅蜜門名廣大藏無礙  
辯光明輪徧照唱也<sub>前</sub><sub>前</sub><sub>前</sub>娑<sub>麻</sub><sub>訖</sub><sub>柯</sub>字時入般

若波羅密門名宣說一切佛法境界唱宣者  
字時入般若波羅密門名於一切衆生界法  
雷偏吼唱陀<sub>那加</sub>字時入般若波羅密門名  
以無我法開曉衆生唱陀字時入般若波羅  
密門名一切法輪差別藏善男子我唱如是

方呪術善療衆病有諸衆生鬼魅所持冤憎  
呪詛惡星變怪死屍奔逐癲癩羸瘦種種諸  
疾咸能救之使得痊愈又善別知金玉珠貝  
珊瑚琉璃摩尼碑礫雞薩羅等一切寶藏出  
生之處品類不同價真多少村營鄉邑大小  
都城宮殿苑<sub>庭</sub>巖泉藪澤凡是一切人衆所  
居菩薩咸能隨方攝護又善觀察天文地理  
人相吉凶鳥獸音聲雲霞氣候年穀豐儉國  
土安危如是世間所有技藝莫不該練盡其  
源本又能分別出世之法正名辯義觀察體  
殊方異藝咸綜無遺文字算數蘊其深解醫

相隨順修行智入其中無疑無礙無愚闇無  
頑鈍無憂惱無沈沒無不現證而我云何能  
知能說彼功德行善男子此摩竭提國有一  
聚落彼中有城名婆哩那有優婆夷號曰賢  
勝汝詣彼問菩薩云何學菩薩行修菩薩道  
時善財童子頭面敬禮知藝之足繞無數帀  
戀仰辭去向聚落城至賢勝所禮足圍繞合  
掌恭敬於一面立白言聖者我已先發阿耨  
多羅三藐三菩提心而未知菩薩云何學菩  
薩行云何修菩薩道我聞聖者善能誘護願

爲我說賢勝答言善男子我得菩薩解脫名  
無依處道場既自閑解復爲人說又得無盡  
三昧非彼三昧法有盡無盡以能出生一切  
智性眼無盡故又能出生一切智性耳無盡  
故又能出生一切智性鼻無盡故又能出生  
一切智性舌無盡故又能出生一切智性身  
無盡故又能出生一切智性意無盡故又能  
出生一切智性功德波濤無盡故又能出生一  
切智性智慧光明無盡故又能出生一切  
智性速疾神通無盡故善男子我唯知此無

依處道場解脫如諸菩薩摩訶薩一切無著功德行而我云何盡能知說善男子南方有城名爲沃田彼有長者名堅固解脫汝可往問菩薩云何學菩薩行修菩薩道爾時善財禮賢勝足繞無數匝戀慕瞻仰辭退南行到於彼城詣長者所禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘諭願為我說長者答言善男子我得菩薩解脫名無著念清淨

莊嚴我自得是解脫已來於十方佛所勤求正法無有休息善男子我在知此無著念淨莊嚴解脫如諸菩薩摩訶薩獲無所畏大師子吼安住廣大福智之聚而我云何能知能說彼功德行善男子即此城中有一長者名妙月其長者宅常有光明汝詣彼問菩薩云何學菩薩行修菩薩道時善財童子禮堅固足繞無數匝辭退而行向妙月所禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何

學菩薩行云何修菩薩道我聞聖者善能誘  
誨願為我說妙月答言善男子我得菩薩解  
脫名淨智光明善男子我唯知此智光解脫  
如諸菩薩摩訶薩證得無量解脫法門而我  
臣六  
云何能知能說彼功德行善男子於此南方  
有城名出生彼有長者名無勝軍汝詣彼問  
菩薩云何學菩薩行修菩薩道是時善財禮  
妙月足繞無數匝戀仰辭去漸向彼城至長  
者所禮足圍繞合掌恭敬於一面立白言聖  
者我已先發阿耨多羅三藐三菩提心而未

知菩薩云何學菩薩行云何修菩薩道我聞  
聖者善能誘誨願為我說長者答言善男子  
我得菩薩解脫名無盡相我以證此菩薩解  
脫見無量佛得無盡藏善男子我唯知此無  
盡相解脫如諸菩薩摩訶薩得無限智無礙  
辯才而我云何能知能說彼功德行善男子  
於此城南有一聚落名之爲法彼聚落中有  
婆羅門名最寂靜汝詣彼問菩薩云何學菩  
薩行修菩薩道時善財童子禮無勝軍足繞  
無數匝戀仰辭去漸次南行詣彼聚落見最

寂靜禮足圍繞合掌恭敬於一西立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說婆羅門答言善男子我得菩薩解脫名誠願語過去現在未來

臣六

十一

菩薩以是語故乃至於阿耨多羅三藐三菩提無有退轉無已退無現退無當退善男子我以住於誠願語故隨意所作莫不成滿善男子我唯知此誠語解脫如諸菩薩摩訶薩與誠願語行止無違言必以誠未會虛妄無

量功德因之出生而我云何能知能說善男子於此南方有城名妙意華門彼有童子名曰德生復有童女名爲有德汝詣彼間菩薩云何學菩薩行修菩薩道時善財童子於法尊重禮婆羅門足繞無數而戀仰而去

大方廣佛華嚴經卷第七十六

音釋

防	符方切	防	符方切
隄	防也	隄	防也
禦	杆	杆	禦魚巨切
立	杆侯	抵	杆也
迎	也	也	璫音當耳
綜	階	陞	璫音當耳
統	階音皆砌也	陞	璫音當耳
子	宋	禮	陞部
切	切	升堂之階也	鐸達各
療	力	也	切
治	也	也	切
鬼	照	也	切
魅	也	也	切
魅	明秘	也	切
精	也	也	切
怪	也	也	切
也	也	也	切
法	也	也	切

永樂北藏

華嚴經

第三〇冊